摛藻堂四庫

全書

薈

曾要

子部

易荒而情易湯於此馬勸之以求賢且其車開馬馳不 卷阿之卒章曰君子之車既庶且多君子之馬既問且 也且成王繼武王之盛車不患其不庶且多馬不患其 事進規因時納諫非老成忠厚之臣心乎國家者不能 馳其意以為是足以待天下之古人矣夫熊遊之地志 欽定四庫全書管要悉一萬三百五十二子部 用之於馳騁虞獵之地而即用之為招來英哲之舉随 日知管説卷三

九三月月 4月 日知管部

其至不至乎若其無邪則正矣正則能好賢而惡惡矣 於邦邦則不能好善而惡惡不能好善而惡惡又何問 公之謂與 於言中亦寓奮武之意於言外心乎愛矣選不謂矣白 極盛耳然使有其臣有其眾而車不庶馬不開亦不足 人惟無思則好惡無所見其端既有思不入於正即入 不問且馳也但患治亂之臣一心之衆未必如義時之 以張六師而楊聲靈此台公慮國遠謀既深求賢之意

飲定四庫全書 日知曾記 終先後無間也故曰此惡惡之至也 無間也故曰此好賢之至也不敬而聽之則姜斐未必 是故厚於始者不能保其不薄於終勤於先者不能保 陰陽相感而生萬物萬物由感而生其能不相應乎水 其不怠於後緇衣之改為改造適館授餐其始終先後 找界豺虎有北有具而又戒以敬聽其疾讒痛惡亦始 不為貝錦之文致哆侈未必不為南箕之羅織卷伯之 顧其情不永其志或移則雖好猶不好雖惡猶不惡也

一燥之火非後火之火也臣遇君則君之臣非後臣之臣 雷風天下之至變也然至變而有不變者存恒之名因 也如是而後利見大人之義顯 之者以見水流濕則濕之水非後水之水也火就燥則 所必然然文言不擊水流火就之義於九二於九五言 流濕火就燥言其氣之相應也夫濕燥非水火也設濕 以濕燥定濕燥以流就成相因而生相感而應固勢 水而燥即火則其性所自具何必言流與就哉故流

是而立君子立不易方亦以易中有不易耳譬夫中天 方非不易也其必有易之不易不恒之恒明矣 盖其心忠故不忍不以民之所不能者引為已任而其 聖人之覺世牖民也惟嶄敷天之下聲教四記合於大 至必存乎易之中也故雷風之恒非恒也君子之不易 同然其布政施猷亦惟是湯湯平平使民遵循而弗知 下而立自南見之謂之南自北見之謂之北此不易之

心恕故又不忍以已之所獨能者强以相繩夫羿之教

信以結之以至容貌衣服無游食息之間凡所以教之 能强其必大匠也聖人教人多方誘掖為之禮以節之 子路治蒲孔子過之稱其三善曰恭敬以信忠信而寬 之術無所不用其極然不能强其必聖人也夫不强其 射必至於穀不能强其必羿也大匠教人必以規矩不 必為聖人是以人人可以自勉上之至於賢聖而無難 明察以斷夫孔子未當見由之政也然而其境治知民 下之亦不失為寡過是則聖人不得已之心也 **克巴犀白雪**

盡力其色完知民不偷其庭問知政不擾凡此者由去 心者必有實政不求人知而人自無不知之者也 必斯人之知而眾人亦未必知且非特眾人不知即浦 六月之詩美周宣王北伐先陳王用文武之吉甫以靖 則由治績之善於其境其邑其庭可考也此所謂有實 之民亦相安於無事而不自知惟聖人諦觀而審察之 7而終之以錫宴則孝友之張仲在馬若曰吉甫靖外

大 E 习 車 A M 日知養說

·功皆張仲之左右王室相資以成云耳夫自古忠臣

第以吉甫之成功若是其速且易則與王共處乎內心 義士効命疆場之間而功績不能上聞措置不由已出 皆自言其居中運籌之功詩所謂孝友其實亦未可考 者也且此居中掣肘者豈必皆仇讐哉直妬其功成則 甚至功垂成而中報志未伸而亂隨大都受制中朝動 金万四月石言 於岳飛皆自私之心勝故置國事於不問也夫張仲未 **軸掣肘國事以去身命徒傾此英賢所以負戟而長歎** 已將不利甚有受敵賄賂戕害忠良而不惜如秦槍之

率而可任也者家僅二人則所以優之皆至厚此天下 致此雖受田有上中下之殊而及其會之惟以下劑為 自侯國徙而来無田之可耕而輕去其鄉必皆逐利以 周禮遂人治野以下劑致此盖此或自六鄉徙而出或 且六遂在鄉之外其去王都也遠其為土地也博故其 居者也是必有以還定安集之使有恒産而後有恒心 有馮有異有孝有德如張仲者非其人哉 一是刻吉南者相與公忠輔國以期其有成也詩曰

遂人安旺以田里擾旺以樂昏教旺以稼穑利旺以與 晦而菜則有五十晦百晦二百晦以上中下為差馬夫 毗悉化而為有恒心之民也豈僅一招致之術哉 之後所以安定教尊之者又如此其備於是無恒心之 鋤勸此以時器任此以疆予而終之以土均平政致之 之争而政亦不平故其後又繼之以辨野之土田均百 之民皆忧而願為之此也然田有上中下之差而任之 準以下劑人又孰肯受其田之下者是徒以利起民

定四庫全書

首莫若五官五官不能自治其治之者 日學學之道奈 鼓無資於五聲五聲不能外鼓以成九奏之皆水無資 運於世如天之四時未嘗一日而稍息故具天之盡物 於五色五色不能離水以成山龍之繪其在於人内而 四經以顯 不在四時而因四時以見聖人之盡民不在四經而因 五常外而五倫其相接而為內外之樞以備具子一身 仲尼以萬世為土立四府以約之易書詩春秋是也日

聲之於鼓色之於水而更重哉 之交已私之鉤有不可勝言者非如五聲無鼓五色無 之之道而恭從明聰睿之德雖聖賢不是過否則外物 何亦惟推五常之性以接乎五倫之交傳無不得其宜 不可無禮義無禮義則亂身寒一人事耳國亂其害可 淮南子曰以禮義為衣盖以人不可無衣無衣則寒國 水徒紊其聲敗其色而已也則夫五官之於學豈不較 而已夫五官質也雜乎器質之緣則理欲半之盡其學

易有大極是生两儀盛德大業均於此出何可言無然 順易知簡能之本也陽主生而陰主成神伸鬼屈之理 無極而太極太極本無極又何可言有乾至健而坤至 壞之是何異於裂冠毀冕若伯子之欲同人道於牛馬 勝言鄉君人者受天下國家於宗廟父母延子孫之裔 也是惟有一動則有一静其動也不可謂之有其靜也 為萬民之歸苟不知禮義之防則已知禮義之防而自

てこりっここ 日知曹説

静而忽動者自無而之有也由動而復静者自有而之 有無不可第不可以言有無盡易耳然則含有無又何 尚不可名象而欲以有無盡易之大是亦不自量也已 無也夫有無者動靜之流也動靜者有無之機也動靜 其道盖不倚於有不很於無則不言有無可也即言有 然則易之道無有無乎謂易為有有無不可謂易為無 不可謂之無但動之幾必始於靜靜之幾必伏於動由 以言易傳曰易本隱以之顯言本天道而達於人事也

一 鱼 定 匹 庫 全 書

之多寡有如地於山之萬下多者多平寡者寡平而完 多益寡豈曰損有餘補不足裒被多以益此寡乎如是 無心故髙者髙平下者下平而無有不平其施君子裒 山島者高下者下而高下又不可以數計惟地之載也 君子觀謙象而知物之難稱也物之不齊有如地中之 言無亦無不可也 無物之不平者以其無心耳 則被裒者常怨被益者常喜非平施之道也君子於民

てこうら ことり 日知曹談

觀吾所行之臧否與所令之善惡王者舍民無以成我 |鱼定四库全書 交相為治也而聖人必曰觀我生者盖君者賴民以生 觀民即所以觀我也夫出治惟我所治惟民觀我觀民 思日孜孜不敢自是必於民心之向背風俗之淳高以 君子之道本諸身徵諸庶民其身有令民可觀之德猶 民治而後君為不虚生於民之上不然君若贅疣何用

文周之繁易也有貞凶者矣未有中而凶者也有正而

衛道之功觀此二語自非見道者何能言簡而義備者 要无咎詩之教廣矣而一言以敬曰思無邪思無邪則 衍數家言何以異使詩徒施而不正與雕蟲小技壮夫 韓子曰易奇而法詩正而葩使易徒奇而不法與陰陽 正也懼以終始則法也史稱昌黎因文以見道又云有 不為者又何以殊哉故易之道大矣而云懼以終始其 理之精守道之篤然後可以言中而仍不失其正 不中者矣而中則無不正也以此見正可力致中必晰

歌定四事全書 日知曹哉

臭夫此無聲無臭豈離日月星辰之麗乎天百穀草木 臺者乎杜絕知識非不識不知文王之不識不知乃如 是識如是知而不識不知此所以為順帝則也故孔子 之麗乎土而別有上天之載乎明乎此則文王之不識 日聲色之於以化民末也推而至於上天之載無聲無 幾之理文王大聖人豈端居守點杜絕知識恐擾其靈 天地運四時而不知四時之運聖人理萬幾而不知萬

寸而尺自尺非寸成尺也上達不外於下學者又如寸 云阙 月累以求運之又久而後達之謂譬夫積寸成尺寸自 不知非無識無知也亦如舜之由仁義行而非行仁 下學上達實惟聖人能之即此下學即此上達非日積 雖殊不離於度所謂上達則知天也我知天天其不 以道陰陽一陰一陽之謂道繼之者善成之者性孟

大 E 日 自 A E 日知會說

卷阿之詩曰豈弟君子四方為則豈弟者教養之本也 流餘派也邻子日孟子之言未曾及易盖不如常人之 易之理惟以陰陽消息顯性善之實際吉凶悔各皆支 人君以一身教養萬民力有所不逮而勢有所難問故 所謂道性善其理實與易脫合不言易而實為善用易 日以吉山悔吝据摭其詞以言易也又曰孟子善用易 子道性善而不及陰陽性善之實際此理即陰陽也全

安平為一書非跨政治之美而張大其辭也盖以民莫 小行人之職命之以五物巡行諸國而辨異之以反命 求賢自輔人君為政之要孰有大於此者子 於王俾周知天下之故至五物之終有曰以康樂和親 之君子四方以為則矣既勸之以教養萬民又教之以 先之日有馮有翼有孝有徳得此人以為引翼則豈弟 理棄義以干犯法紀者凶荒之苦政治之乖有以驅之 不欲康樂其室家和親其宗族安平其鄉里而好為背

ワスノシュニ 日知會說

察其故或競絲張弛之有悖以致天譴而釀民患兢兢 周禮篇章氏凡國祈年於田祖則飲雞雅擊土鼓以樂 民之本均在於此矣 靡寧乾乾惕若俯仰跼蹐而不敢少康盖導王敬天勤 遺人事無悖逆之失天道無凶荒之厲然後可收康樂 拯救之也周公以為利害之興除已當政教之養恬靡 和親安平之效而大同之風以成其尚有未周則必精 而遂以法繩之此小民無知而干憲典者所當良於而

定匹庫全書]■

故能為酒體以祭先祖而治百禮其詩曰壽考維祺以 於下然後有以輔成帝命率育之心而黍稷實預實栗 土鼓以樂田畯盖云田畯是享庶乎有以佐神農氏之 功於農事為田祖所佑者也祈年於田祖而龡豳雅擊 所以樂田祖也田畯者古之勞農勸相司嗇教稼嘗有 天地之宜也弟厥豐草種之黃茂即其事也必人事盡 田畯按豳雅之什曰誕后稷之穑有相之道所謂輔 介景福樂嘉報之無已也而篇章氏敏此以樂田晙

是乎得聞先王服念勤民康功田功之事先民勤勞稼 |飲定四庫全書 | 周之王業雖造於太王王李文武而開皇靈承天眷綿 本意所以為萬世勸農之法也歟 **穡以祇率懿訓之休而東作西成競相勸勉惟土物愛** 治而與我稼穑云耳且敏豳以祭舉國之民皆與馬於 后稷之祀易富亦惟后稷之祀難則也難則維何有后 寶祚撫萬邦實由后稷教民稼穡肇祀上帝始之故惟 **固敢怠弛盡人事之勤獲天時之報此又周公制禮之**

盖武周之孝自后稷之祀有以啓之矣 漸至文盛而太美不和議尊疏布羅禪杓猶祖述先人 事神者誠豈猶有致憾於未備哉迨其後周公作禮樂 降以福者后稷之詳穑事以供粢盛成民者至即所以 享矣古聖人先成民而後致力於神未有民不和而神 稷之德與誠則明水之薦可告馨香無后稷之德與誠 之意即以后稷所以事天者事后稷記稱武周為達孝 則雖燦陳乎蒼壁黃琮備列乎鏞鐘賁鼓吾知神之不

にこり 五 八十二 日知管説

キニ

卷阿之頌成王也既期之以彌性純報於是又告之以 同氣恐難盛傷馬獨不恐馬盛傷蠶子意者校人祭天 兩大再類點鐵風而馬耗禁之所以蕃馬也蠶既與馬 周禮禁原難論者謂豔馬同以天駟房星為祖物莫能 百福而必曰百辟卿士之媚云耳 之什言介爾景福而必曰朋友攸攝假樂之篇言干禄 馮翼孝德之助與其梧桐鳳凰之思以歌動之猶既醉 人主之祥莫大乎集福而得福之由必在得賢以自輔 **克匹庫全書** 君牙所謂厥有成績紀于太常是也於其沒也祭于大 竭則来年之豔不能蕃滋所以節盈虚消長以為阜物 仍入乎官馬之為用在官而成羣阡陌則仍利乎民聖! 育材之本耳究而言之蠶之為用在民而上供絲泉則 周禮夏官司勲掌有功者於其生也銘書於王之太常 人之政亦惟斟酌損益與時偕行期於政修物阜而已 又何容心於難馬之分哉

尺八丁胆 人 九丁 日知曹說

駟而馬質掌馬政使並掌鱗禁所以禁原蠶者恐其氣

是在臨時應變非可勒為成書依而行之者故秘而不 者尤見先王敬軍事慎戰功之意易師之上六曰大君 然考司數之職國功民功皆在所等而官獨列於司馬 具載此如冬官之文缺耳或以為運籌帷幄決勝千里 然盤萬所謂兹予大享于先王爾祖其從與享之是也 不足以為勘也 有命開國承家小人勿用師之終賞之慎也以為非是 周禮小司馬軍司馬與司馬行司馬之官其所職掌不 **反匹周百**種

宣非也周官所載政事之顯然者耳臨陣之幾非書所 馬其事略同顧衛自渡河以来流離遷徙至文公而始 魯衛中與之際文公紀縣北之三千僖公稱駒駒之壮 能載亦非體所宜載雖諸職具存亦不宜有此也若有 安集遺民僅有寧宇僖公世保龜蒙考諸閥宮泮水所 為缺也聖人之政豈有隱哉 此則宜見於主軍之大司馬不宜散列羣職以是知其 詠商商皇皇較之定中播遷者迎異馬即其駒壮之盛

日知曹記

一飲定四庫全書 也思無期以言其不茍於近利也思無數以言其持之 亦可矣區區之馬云乎哉然魯至文宣漸以不振而僖 能久也思無邪以言其志之必以正也是其出乎心者 馬知王政之不由是而與乎然所以致其盛者亦惟僖 公亦未間垂裕久遠為卓然首出之君者由其立心究 深之中有易直子諒之德以是推之雖使周道復興其 有本取於民者有制而無邪一語尤足以見其淵默静 公之思有以致之耳其曰思無疆以言其有廣大之量|

能與於此哉 思無邪一言聖人取以敬三百篇之肯若僖公者又安 周禮膳夫酒正王及后世子不會之文後世有必不可 服異味酣飲之失則不會而猶會也第不今膳夫酒正 財用四日羞服之式所以量入為出定為法式使無奇 行之勢而行之且必有害者盖太军以九式佐王均節 渾然天理而有以得夫性情之正天德王道/一以貫之| 永造於無那之至耳夫慎獨謹微之功至則**念慮之間**

. 日知首説

乾騎舒過度不終其德後雖悔之不可及也是猶公羊 君過信經義的令太子用庫物有司勿為限制則致承 古之前鑒也 後譬之說誤用於漢武之世而征伐之禍與王安石據 頤之彖曰養正則古盖義理之養與飲食之養不可偏 國服取於民之說神宗信之而青苗之弊劇皆不善法 以犀有司而準法以沮王及后世子耳唐太宗與國之 廢故觀其養人之能以正者必教養兼行君師並任之|

成什器者莫如木宜稼穑者莫如土粒萬民者莫如穀 資烹能者莫如水利煅冶者莫如火善從草者莫如金 養身之君子也所養自養就其尤重者言之則寧失養 煖而無教或農末之相病而凶荒之無備也故正德以 此六府者聖王知其為生民需也是以修之循恐民飽 身不可不養心此孔子所謂不得已而去食者也 與民行而民罔有恃倫者矣利用以便民事而民罔有

大下日 和 人 品 日知管説

大君也觀其自養之能以正者必寡欲以養心東禮以

勞咸順大化之內此無他聖王以利民為心而治之後 豈無欲治之主而施之不得其宜或清靜而廢事或更 本也闢四門明四目達四聰此為政之基也惇徳允元 則元愷並升難壬人則四凶胥斥此用人之要也後世 得其道耳得其道奈何濬哲文明温恭允塞此建中之 之和聖王所以汲汲於六府之後而併力以圖之也修 六府和三事而民之相生相成於其中者不見創作之 之資者矣厚生以早民財而民問有饑寒者矣此三事 一 飲定四庫全書 日知等說 誠懇之心同而告王之言亦無不同如此詩之美成王 周公之告成王曰君子所其無逸言以無逸為所也名 張而變法故必曰以聖人之心行聖人之政而後可 見善則遷有過則改為益之道然必樂取於人日見其 日成王不敢康不敢康即所謂敬作所也所無逸也盖 於敬而敬則自然無逸敬作所即所謂所無逸也二公 公之告成王曰王敬作所言以敬為所也夫無逸必本 有得於二公之教云

中之日如山如阜如岡如陵言單厚之受福也如川之 益也俾爾軍厚何福不除言厚之能受福也故三章又 善曾見予智自滿者之能受福乎後之解者多曰無事 者衆也夫福之多由於益之多益之多由於虚心以受 益而後能與時偕行日進无疆天保之詩曰俾爾多益 方至以莫不增言多益之受益也此可以見君臣交勉 而不受福則得之也極多不知所謂多益者正謂多受 以莫不庶盖人臣寓規於頌欲其君受善無違而進善

徳其方也周子云山下出泉静而清也則仍以育德為 果行之本 易家之象曰君子以果行育德果行育德非童家之事 走沙石浮藻若豈更為其所壅滯哉人之於性也亦然 行以牵之惟其源深而流遠一達其機沛然縱之已耳 涓涓之水終成江河水之出於山下也沙石以壅之藻 也而大人之欲開童蒙者則在先開一已之蒙果行育

1111日知會說

之意矣

害豈更為其所紛擾哉故果其行如水之必行育其德 其育德而果行誠壹不貳推而放之已耳絕私欲屏利 然亦何以育之果之乎克已以去其私主一以立其本 其始見乎情而發於事也私欲以紛之利害以擾之惟 涵養以裕其中篤實以充其量則內育而外果矣內育 如水之有本以之進德以之修業入聖階梯豈外是哉 廓然而大公者聖人之存心也物来而順應者聖人之 而外果則有靜正剛中之美推而達之天下斯可矣 定匹庫全書 卷三

之言以立人極然後可與聖賢之書相表裏六經語孟 太上立德其次立功又其次立言立言固不朽中之又 ここり」」」」」日知曹説 聖賢之書也至於子史百家不過文人學士攄其胸臆 次者也然必其德與功不見施於時因而為扶樹道教 足以體天地之心而盡君師之道此德量之宏也

者日聖賢之心無棄物堯舜之道欲並生非包荒則不

以萬物為一體者其孰能哉易泰之九二曰包荒解之

應物也德量之宏於斯見馬苟非私欲全消渾然天理

也正者施則順而措則宜也邪者生於其心發於其言 讀六經語孟者資之子以益其識之宏博資之史以觀 合乎六經語孟否乎其合者必其正也其否者必其邪 乎時之盛衰反而察馬其理合乎六經語孟否乎其事 矣夫肉雖多不使勝食氣不謂恐勝食氣而不食肉也 寫其牢愁事或過而匪當文或深而礙理沉溺乎此而 新定四庫全書 則子史不可觀乎曰何為不可折衷於六經語孟而已 六經語孟及不致力所謂讀書以明理者果安在嫩然

害於其政與事也疑神靜氣體驗察識而得其精馬夜 子史而益精六經語孟之肯則讀子史之功又奚可很 議以間帝為之稱制臨決且置梁邱易夏侯尚書穀梁 施響論易周堪孔霸論書薛廣德論詩戴聖論禮嚴彭 漢宣帝甘露四年韶諸儒講五經同異於石渠閣其時 以繼日不自畫馬則內有以治其心外有以應乎事因 祖論公羊尹更始論穀梁而太子太傅蕭望之等實平

尺三日 日本 日知曹記

子六傳而至何者也焦贛之易第載陰陽謹緯之言則 授能得其精意其危若繁千釣於一髮幾何其不斷以 明於天下久矣漢承秦火之餘諸儒補綴以拾非盡師 春秋博士一時傳為盛事然予竊有疑馬盖經學之不 博士則以梁邱賀盖智京氏之易者也不遵古而讖緯 京房所習者是也費直之易則以彖象文言分入諸卦 絕也考之史傳所載田何之易為最古盖商瞿受之孔 得鄭康成王弼為之註其學遂獨行而帝之置梁邱易 **为四周百**世

時帝獨置穀深博士則有取於尹更始也禮始於河間 學豈周堪孔霸亦治夏侯者歟春秋當漢初有四家公 是究非矣書有古今文之異今文先出而古文後出夏 羊穀深鄒氏灰氏也鄒氏灰氏至王莽時始失傳當是 献王二戴删定之以無專家不置博士是矣而左氏春 侯氏之書傳自張生而張生則受之伏生帝立夏侯之 秋因晚出是時不及置博士不深可惜哉大抵宣帝居 民間雖曾學習經書而年十八即為天子師授者亦未

欽定四庫全書 日知會說

純當其稱制臨決又未當不斷以已意是以不能成大 君子之守正非惟一時之去就固應如是即揆之荣辱

得失之間君子之見遠而慮大與小人之計小而謀促

表記曰君子淡以成夫有人已內外之見者不能淡者

之於水無不淡也則無不以淡成也大而江河細而溝

也君子內不見我外不見人與物無親而無物不親譬

者亦不可同日語矣

· 題見而一陽来後子月天開先王於是子行郊祀之禮 為醴亦可醴水之所成也小人者君子之所曲成也 神明而陽乾之屬也鬼暗而陰坤之屬也純坤至十月 無分也故曰君子如水水惟無已故以水為水可以水 灣非水分也人自分也有分則人我立而水之淡終始 生物伊始也然禮本於天而成於地乾德統天并坤而 以近微陽記云禮行於郊而百神受職盖陽氣方倡而 有之使其稍有不協則於陽氣或悖而不足以發生物

1. 15 日知善説

皇陶曰惟明克允所謂誠也周公舉蘇公折獄以示法 者誠之見乎事者也慎者又敬之及子微者也舜之告 吕刑曰惟敬五刑以成三德盖刑獄之事民命攸關已 能虚不虚則不明而欲判曲直於俄頃之間難矣夫敬 時地且受職況百神哉 之機是故先王欽若昊天對越上帝則風雨節而寒暑 敏定四庫全書] 死不可復生已斷不可復續聽訟者稍有不敬則心不

則曰兹式有慎盖亦視人之器量有廣狹規模有大小

悉者於此故天下雷行為无妄之卦而亦有乾之四德 其德為動其象為雷其位為東方皆得天最初乾之用 乾為至健之卦故其德曰元亨利貞乾元統天坤之德 也夫天下雷行震動發生似但有元亨而無利貞也然 亦具此矣至坤索乾而得其初爻則為震其序為長子 曰敬之一字像上徹下豈惟典獄者宜然雖修齊治平 而所告有殊然曰誠曰敬曰慎其致一而已矣故程子 以貫之矣

灾 足 日 車 全 書 日知會說

多福亦惟正其心修其身順遼乎天理而終始之不渝 萬物得此而各正性命非利貞而何哉 人之為與夫君子小人之分理與欲而已君子以順理 然後能自求多福而求而必得得而能守其諸異乎小 得也那餡以干之其既得也又轎泰以失之故必君子 詩日豈弟君子求福不回福非小人之所能求也其未 而以為求福吾恐福不可得而禍且隨之君子之自求 為福小人以從欲為福順理則裕從欲則危日處乎危

書所謂作善降祥固有不期至而自至者然君子方以 邀天之福而愈惕然於內省之修其始也既未當有求 福之心其繼也又何當以得福為樂哉大順者逆之反 則此心常泰而動罔不臧何福如之易所謂積善有慶 君子進德修業敬義夾持而後油然豈弟有子曰知和 禄也故曰百順之謂福 子之乾乾惕若不遑寧處者正以斬順乎理而永綿弟 福者禍之基不順乎理必速之殃庸可常保其福乎君

日知替説

子曰敬則自然和樂謂即之以禮然後能和樂也由是 言之禮其樂之本與 禄之外多方以求之賄賂公行而暴飲苛索常若不給 理民臣穀而民治熙雄之風可幾也小人貪得無厭廪 也民之所頼者治也君賜禄以富厥臣則臣穀其身以 殿心阜成兆民哉盖君之所任者臣也臣之所理者民 洪範曰既富方穀非使其臣廪禄有繼衣食有給以單 而和不以禮節之亦不可行謂和樂須節之以禮也程

水也壅之則消宣之則通消之者亡通之者昌自天子 **睦宗族和鄰里給貧乏恤鰥寡亦可以為穀之道盖貨** 者尤不可不慎天之爱人甚矣豈其使一人肆於民上 錫之福其作汝用咎以是知人君操馭富之權得 未當不富也而穀於何有故繼之曰于其無好德汝雖 而能永保天禄乎若夫百姓之家雖無位以施其善然 之必揆其當者然也至人君之所以穀一身而穀萬民 人而用之則當富之而致其用此福之有賴於錫而錫

事天饗帝皆本於此彼徒以威儀玉帛飾諸外者無其 **新定四庫全書** 松柏之心似心内而筠外心為質而筠為文要之外根 禮者敬而已矣君子敬以直内如松柏之有心禮之用 心矣遑問筠哉 於內君子之居心即所以應物也誠敬之至通於神人 和為貴君子和以應外如竹箭之有筠以竹箭之筠較 建極保極之理有實而可循者矣 以至於庶人知平天地生成之憾惟在不自私其富則

· 是不追所以事上帝而畏民君者凡以治人情而無鹵 其道而理之則其情協拂其道而驅之則其情亂協則 莽減裂之患故大順大化淪肌浹髓萬世之業本於此 記曰人情者聖王之田盖生民有欲無主乃亂上天眷 馬故聖王之治人情猶農大之治田聖王小心畏慎日 天下歸心亂則 兆民背叛其機甚微而宗社之安危係 命作之君師君師者所以裁成輔相而治其情者也得

馬夫惟施之也有次第是以其成功大而速彼不以治

たこうら ころう 日知智説

世而無問亦如良玉之在璞已耳孔子欲待價而沽盖 **婚而亂玉君子依乎中庸温其如玉人不知而不慍遯** 者有二庸懦無成者猶夷岳之自棄假名要譽者猶以 自止記曰貴玉而賤硌此物此志也小人之異於君子 君子求為已則不斯人之譽求實得則不因有虚名而 仗義以漸速成者亦猶揠出助長均為惑之甚矣 理為心而耽晏安者是猶棄田而弗治而霸者之假仁 定匹庫全書]

求而不能待則玉已自失其美矣可不慎乎

次足日事私書 · 日知管記 春秋青備賢者為賢者諱聖人之心天地父母之心也 所謂踐優多於發明者誠得聖門先行後文之旨數 天地栽培傾覆作善降祥父母之於肖子有無已之心 明則所發明者皆自道其所有始為親切可貴也東來 優不可有踐優而無發明亦不可然必由踐優而有發

明者也踐履容有未純不失為通儒故有發明而無踐

之以為其行不可見也韓昌黎原道原性諸篇精於發

黃叔度淳行可風可謂有踐優矣而無所發明後儒疑

农而聖人必為寬之其待賢也何其恕嚴恕並行仁義 亦酌其是非之大小始終而責之備馬為之諱馬其諱 馬賢者亦聖人之肖子也其是耶聖人固從而是之其 必為責之其待賢也何其嚴賢者之偶失常人必不能 而諱之之心至恕賢者之有失常人或不及見而聖人 公至正之心為彰善癉惡之道耳是故責之之心至嚴 之也非有私於賢者其責之也非有刻於賢者凡以大 非耶聖人固從而非之至於是之中有非非之中有是

患預防其於義理也察之益精於道德也守之益固故 君子之與君子處也固有以敬業樂羣輔仁勸善然無 是其安所準哉 |萬盡善者知所勸不肖者知所懼後之處已待人者舎| 意者非惟樂天知命亦其自治然也詩曰他山之石可 所用其惕属戒懼也夫惟惕属戒懼然後動心忍性思 君子與小人處當横逆交加而怡然受之曾無怨懟之 以攻玉亶其然乎

とこうらころ 日知管説

中亦不足以盡在物之理而有所不能受舜之聞善若 道内以淑其身外以化其民皆猶二無之保合獨陰不 埋眾善之源者無論矣即所主者善而先立意見於胃 受也盖虚者中無一物而無物不備之謂懷私狗欲以 咸之象曰君子以虚受人惟虚故中無所室而無所不 大禮與天地同節大樂與天地同和禮樂相資而成至 生獨陽不成也知此則知禮樂不可斯須離矣 **定匹庫全書**


决江河由其心之本無一物耳

者是不知一乃理之散於萬者也聖人貞夫一則一貫 盖心與理本一感物而動而紛然者不能一矣故有謂 易曰天下之動貞夫一理固然也而能盡此者惟聖人 皆外來之遇獲上信友不可不以誠而極其誠未必盡 於萬而動亦靜矣其動也若行雲之無心其一也若谷 動為妄者是不知動乃心之生於靜者也有謂一可執 神之獨守 上之獲不獲友之信不信有命而誠不誠在我上與友

ここり こころ 日知管説

一金定四庫在書 事功論不可以鬼神惕盖敬鬼神而遠之鬼神亦吾心 本諸一心然心不可以名象形不可以言語飾不可以 中之一物耳以事功論則唐太宗致治之盛幾於成康 言王道亦曰心無為也以守至正 天德王道其本一也一者何曰心而已聖人言王道必 信友獲上君子亦盡其在我反身而誠馬斯可矣 也至於言語名象更為枝蔓其不可以徵心明矣故記 而於古聖王天德王道一以貫之者則概乎其未有聞

次足日事全書 日知會說





腾録監生臣倪時慶校對官編修臣表 謙覆校官檢討臣季學錦

欽定四庫全書管要日知普說悉四

詳校官主事臣陳木

欽定四庫全書管要卷一萬三百五十二子部 天下之界不仁而失豈非明效大驗哉是故人君清 遷而周遂以不振始也以一國之寡 好仁而與終也 周之與肇於文武而文武莫不好仁宜其天下無敵 躬愷侧存心省刑薄稅節用愛民非徒開一時之 知替說卷四 始也属王虐而監誇不仁之極也馴致於平王 敏裸将于京也穆王耄荒而作刑以詰四方 1. 1. 1 日知會說

亡也髙祖與馬漢之亂也光武復馬是二君者其得人 平亦照貼子孫無疆之業也 襄大業雖運會使然要亦視乎為君者量之所受秦之 自古撥亂反正之君必有攀龍附鳳之臣異赞宣武共 之詩王子晉以属宣幽平並舉有由来云 民太原晏起廢朝而有姜后之諫勤民於遠而有祈父 似不克終考之諸書如廢魯適不藉干弘丧師南國料 周宣王中興之業論者此之夏少康非過譽也然其後

髙祖修外而不修內者也光武內外兼修者也高光之 得賢才服勍敵與平定海內莫不皆同然既得天下之 鄧禹仗策從之光武用其言且親信之於是馮異冠 怕 下之大勢歸是光武之量固足以受之矣 耿弇吳漢之傳拔茅彙征咸樂為用二三子者進而天 其饭廊大度同符高祖其為大司馬而巡河北也南陽 祖之豁達大度尚矣光武鎮容視髙帝差小然馬援 獨多而其享國亦最义非若後世偏安小成者止也高

尺已日日 在上 日知奮就

處置後事若燭照龜上而明萬不能免靖難之亂是其 明識之遜也然立法度理財賦與學校制禮樂經綸之 漢萬之天資過於明高而明萬之學問優於漢高漢高 漢高明高得天下之正比之唐宋尤為無疵余當論之 却四夷貢獻以外論之固皆盡美以內論之光武盡善 後高祖則誅功臣耽酒色光武則保全敷舊興起學校 而髙祖循遜馬是以君子重內而器外謂夫外暫而內

首那異之見稱於叔向也曰 那大夫内舉不避親 獄 或則戕害功臣或則林連太廣有損仁厚之風不 之功遠過於李忠景丹輩而與馮異冠怕相伯仲者也 漢明帝畫功臣於雲臺馬援以椒房之戚不得與夫援 而王詎不信夫 能存此不嗜殺之心東荡西平奄有四海孟子曰保民 為二帝諱然當羣雄争逐之時割據自王各保疆土而

美固非漢高所能及漢萬有韓彭之戮明高有胡監之

次足日事公告 日知管記

烈至於後主僅二世而失之的烈之賢不及高光而武 考西漢享國二百餘年東漢亦享國二百蜀漢則自的 上德不德若明帝者其示公而反失大公之道者與 外戚亦知外戚中有公爾忘私為國宣力如援其人者 戚之意存也何如有功而即畫之為正大乎且使後之 則帝之不畫不可為公若謂因外戚而不與是猶有外 舉不避警使援而無功則帝之不畫乃公也援而有功 知不預化實憲節隨之傳而皆為良善也耶老氏云

後主昏弱而當天已厭漢之時欲其克紹先業奄有九 萬年之計也 倭一人亦不足以比蕭曹張韓節馬吳岑之衆况重以 善乎司馬温公之言曰天下無二道安有四學可謂切 宋文帝元嘉十六年立四學於京師以儒文史為三途 不敢少解者誠知計談善政克享天心即所以為子孫 有不亦難哉是以聖王小心畏慎敬天勤民惟日孜孜 而雜以老莊之學其於先王庠序學校之教失之遠矣

日知會就

飲定四庫全書 魏為之用光武有鄧禹吳漢輩而不盡其用以此見天 中文帝之病 非保全功臣之善道然不擇其臣之賢否而概不任事 下之治全在用人而用人之能盡與不能盡則又治 學亦器相等然建武之治不及貞觀者太宗有房杜王 漢光武與唐太宗皆不世出之君其勤政納諫禮賢與 則亦光武之失歟 至與不至所以分也或謂光武之不任都禹吳漢未始

唐太宗貞觀之治人率多魏徵之直諫不知徵之所 當時進諫者多矣太宗獨歸美於魏徵者亦以徵至公 唐太宗之初即位也於放宫女定數臣之後即置弘文 而不顧擅權之議陳激切之論而不畏誹謗之議四者 為心而不事形迹面從是戒而必盡讓言任强直之責 能直諫皆因太宗之虚懷道之使諫從善如流故也然 於此則不能直陳魏徵能去之太宗能察之是以 一德為近古所军親數

館選賢才之士以講求天下之政虚懷納諫以收衆益 太宗率將卒習射於顯德殿其不忘武備之意昭昭甚 武太宗居開創之初天下南定故崇文以濟武而置館 武勝而文衰是宜崇文承平之際文與而武弛是宜修 經國久遠蘇貼子孫之法舉概見於此矣益開創之時 中時事此誠有見於偃武修文之道即初服之規模而 論止盜則先廣吏欲去後則務至誠其反覆指陳皆切 以選舉天下之賢講論天下之政非徒以文詞已也且

宗護惜煬帝而為之辭哉益為政之道實在上下一 尋究盗狀煬帝實不之知告而不赦斯煬帝之罪也 以告之然後幽隱無蔽天下無不平之患也張元齊之 君必尊臣以直臣必事君以忠君有所不知臣必竭忠 唐太宗論張元濟尋究盗狀以魏徵之對但歸過楊帝 得其平而亦萬世保那之客也 故有非特煬帝無道臣下亦不盡心之語斯語也豈太 明讀史者慎毋以治天下之道惟在文而不在武斯

歃 時之政上必不忍暴刑以霍其下下必不敢欺敵以愚 其上可知已貞觀之所以稱盛治皆由爾時君臣交相 戮是誰之罪歟雖然其所以不上告者亦因場帝平日 之草管民命有以等之也魏徵既以此戒太宗太宗又 以有司及元濟之不入告戒其臣旣知深戒乎此則當 戚者之六七人上告卒致枉承者二千餘人駢首盡 勉孜孜不怠之一念致之也夫清明每始於兢惕而 以楊帝已令斬决遂不執奏元濟亦不能以所尋實

者亦識其大端知其體要而已若必事事臆度而懸揣 之以為古人具有深意馬吾未見其有當也 唐玄宗躬耕興慶官倒得重農之意抑亦開元之政也 太宗之視魏後轉不如大亮之不可以利誘乎夫讀史 魏徵之諫伐馮盎賜綃五百上十漸疏又賜以金甕豈 尹氏起萃乃以為太宗之勵其臣以義不以利若然 唐太宗以荀悅漢紀賜李大亮亦出於一時之偶然 完 為總起於怠荒豈外一心而 他求也哉

1 日知會說

具是知一念之善惡而政教隨之捷於影響可不戒乎 亡哉良由理不勝欲公不勝私轉爱民之心為剥民之 為政以養民為先以奉已為後則貞觀之治可得侔矣 當是時玄宗志氣清明留心治理焚珠玉以戒侈赐吐 新定匹庫全書] 餐酒內路旁有餓殍豈向者躬耕重農之心於是 而或 由玄宗勵精圖治用致化理耳玄宗能恒保此心勤 蕃詩書以桑遠天下太平 幾致刑措是孰使之然哉 乃天寶以後卒至荒活過度百家之産費於一日朱門

唐明皇幸蜀肅宗即位靈武天下多事安史久而後平 唐憲宗初年吐突承璀自東宫得幸承問欲有關說憲 者苦於輸將天下戶口減耗已及三分之二馬然則當 宗心憚裴垍使勿言及攻澤潞無功而還垍又疏請斥 庶之盛果足恃乎 三鎮相繼以煽兵戈嚴興供飯載道肚者危於鋒內弱 及既定准蔡志盈意滿信用皇甫轉等裴度諫之而不 之以謝天下憲宗即罷其領兵聽言圖治若是其銳也

· 尺八丁 · 八五丁 日知答說

受四方之奉初無損於聖明即或偶服幹衣亦無不可 唐文宗初志以抵亂為務措置乖宜卒召甘露之變其 然而取舍頓異者血氣用事心無所主安樂則荒耳 聽度之諫其言切於均而轉撓亂國政其罪浮於承难 之體禍遂蔓延於天下人居當天下已平多難已定雖 後苟延旦夕保位為幸而顧以衣衫三幹自詡無怪乎 臣之體為臣而失為臣之體害止身家為君而失為君 公綽之強其末節也夫為君有為君之體為臣有為 周台世

實而按之當時政治之奸固不待言其所聚之財亦安 葉之矣即使卧薪當膳猶恐不及尚何顏服幹衣而無 愧且自訥威徳也哉 特非沾沾馬以是為美德也文宗時祖宗之天下大半 在官則在民譬如澤中之水流者日多聚者日酒耳 王安石巧說以為不加賦而國用足不知天下之財 三代以下言利之朝莫若漢武帝宋神宗益由桑弘羊 一题/ 日知管先

漢博士之置雖發自公孫弘而董仲舒實開其端賢良 所見者大蕭曹起刀筆吏所為有古大臣風余以是為 之臣不顧已私而惟其治之當韓范上殿争論下殿不 也則必變何所為且有以議其後漢治幾不紊哉為國 尤難也漢賢相首稱蕭曹不其宜哉 失和氣率用是道然韓范窮經力學夙員經濟才故其 而勿失人不多祭之能而多何之公也雖然使參常人 何與曹参當有隊及何沒所薦者惟参奏卒守何法

得竟用之過級 武帝善其言以仲舒為江都相自後乃置五經博士 不得孔明則亦拊髀自嘆以是終身馬已然的烈與孔 摘仲舒於江都無亦信公孫弘之徒而使賢否混淆不 湛深經術熟有過於仲舒者因仲舒之言而置博士反 日諸不在六藝之科孔子之術者皆絕其道無使並進 明不遇的烈則抱膝隆中歌梁甫吟以終老耳的

策云不素養士而欲求賢譬猶不琢玉而求文采也又

者豈其志趣規模僅限於二人所成就哉意者公見當 弗見至於大事弗可為乃欲與婦人女子謀誅奸雄適 惜夫漢季之君舎祖宗育養之才以為他人資或隱 而 得如德操革坐鎮朝廷運籌帷幄或可挽回萬一余故 孔明用行合藏之義幾同於顏子而以管仲樂毅自比 以自速其斃不亦大可哀哉 明同良為此也抑又思献帝時漢室陵夷已不可救使 明何由作合哉故余當推司馬德操之水鑑其功與孔

顧之前益無有能知卧龍者矣日睹時之凋敝而不 深思大慮惓惓於漢賊之不兩立王業之不偏安至於 後大星未隕之前保蜀之功亦足以比於管樂矣何 管樂亦不足以极其弱然猶賴得君而小有所就也 時漢網陵夷黎民淦炭初不異於春秋戰國之際 躬盡瘁死而後已也哉夫自比管樂而管樂實不祿 公之蹟考公之心設僅以管樂自比則白帝託孤 河之日下有不禁慨然於管樂之尚能遇主者不 知會說

之事君子觀於抗亡而枯盈至於滅吳可以知當日二 羊陸二人惟相知之深故相憚之極不得已而為相好 南未嘗不悅有一言之失世南未嘗不恨恨犀臣皆若 必存規諷多所補益太宗嘉之亦曰朕有一言之得世 唐史載虞世南志性抗烈母論及古先帝王為政得失 公此可見公之心之虚而業之廣矣故百世下許公者 人交歡之時勢矣 以為有王佐氣象也

世南天下何由不理是則太宗之取世南世南之見重 於太宗豈徒文學哉 世之治也人敦實行而去浮華世之亂也人務虚名而 競文添故文運關子國運君子於文之厚重澆薄而即 晉之何王清談惧世遂使瑰麗競尚古質漸失佻達成 亦遂以亡蓋六朝之弊始於魏之三祖崇尚文詞横於 一時良法但行之不永有名無實六朝之風未革而隋 以現時之威衰隋開皇四年部公私文翰並宜實録亦

1 一一一一一日知香記

而言形之其所係豈淺鮮哉 風綺靡無行文日繁而政日亂蓋以此也及唐有天下 婁師德之薦狄仁傑可謂智深而勇沉者矣武氏固景 而昌黎韓子出起八代之表為諸儒之倡始克返華侈 很多猜使師德暴揚仁傑於衆則武氏必疑為一黨仁 而歸質實世道人心有攸賴馬夫言為心聲心之所存 傑不得用非唐室福也故師徳不欲使人知已薦仁傑 仁傑亦不自知為師德所薦逮武氏告之而後有妻公

一 一 一 一 一 一 一 一

者吾於師徳見之 李光弼大敗史思明於河陽天下之勢遂定當是時實 仁傑之舉卒以減周與唐所謂善處危難有濟困之才 且以復唐自任也追後姚元之張東之更進选用皆因 威德之歎此並非仁傑感知已之深乃服其韜晦不露 必克蓋孝德義理之氣裕於平時故志比心安也當考 顧未戰而僕固懷思先賀戰勝曰觀其攬轡安問知 因白孝德奮勇争先斬賊將劉龍儇而三軍之氣倍增

尺三 日本 日知會就

段太尉逸事狀所載孝徳用秀實計署秀實為都虞候 疾風知勁草板蕩識忠臣天寶之亂順賊者非明皇素 竟進是血氣得義理為幹楨而勇乃大勇矣非特孝德 自聞乃素所涵養然也蓄義理之勇而挟矛大呼亂流 孝德固以爱民為政非武夫戰卒比故臨敵之際神色 所謂忠臣乎仗節者非明皇素不識面者乎而顏果卿 之捷為然也光弱之得制全勝亦以是而已矣 郭晞士卒縱器無賴者皆取以懸蒙街後遂不復横是

博採之無聽之以試其可否果無盆於時事罷之可 之先王百世不易然豈無因時制宜當博採煎聽者乎 多矣斯言也得失蓋參半馬夫朝廷防制自有章程受 報罷之朝廷防制織悉備具或狗所陳行一事即所傷 宋李沆為相當曰居重位無補惟中外所陳利害一切 兄弟不以位甲職小盡其謀献天其忠悃一死於禄 未嘗試之而一切奏罷豈所以廣言路哉若謂中外 死於希烈君子以是為尤難也

一日知會說

廢食豈理也哉 兵其暫也事君其恒也子儀之事君也功盖唐室而主不 成樂子儀之寬而憚光弱之嚴兩者並稱然吾以為用 郭子儀李光弱起朔方牙將振難宣思克推逆鋒雖立 將置若罔聞乎夫小人妄陳利害擾國政而乖是非者 功各不同而國祚復安二人均有力馬其用兵也軍士 固常有之矣然不可因此而遂絕中外之陳奏也懲噎 陳利害皆無足觀而惟朝廷舊制是遵則政久與生亦

定匹庫全書

或日孔子言君子無争韓魏公與范文正公上殿争 若 王舍之則閉門自守光獨脫年颇有嫉讒自安之舉 子之所謂爭益謂相競以氣而 一起京師代宗韶光弼入援 畏禍選延不行夫觀其 權傾天下而衆不嫉朝 夜觀其恒若此益智力可勉强而德量不可勉強 殿不失和氣不失和氣是也上殿之爭非爭乎不 開命夕就道用之則竭力勒

AT DE LOT OF BELLE CO. T.S.

日知管記

不循乎理耳朝

十五

晉文之覇成於城濮之戰其命帥也趙衰舉卻毅馬且 官可謂息爭端而舜禹皐盆吁哪一堂之上不可謂中 於無争也若如或人所云則李林甫以立仗馬諷諸言 家之事也國與天下之事也至下殿不失其和則仍 天郅隆之世矣 從緘口不出一言豈君上所賴哉其所争者非一身一 日穀敦詩書而說禮樂詩書義之府也禮樂德之則也 上社稷之大計俟吾一言以定是非安危而惟觀望順

義者哉 宋私許復曹衛以携之執宛春以怒楚皆譎道也雖幸 然文之勝楚終不在此其稱舎於墓分曹衛之田以畀 日以待有功夫人而無功則不宜賞人而有功則散 不可以賞詩曰彤弓殆兮受言藏之我有嘉寫中心則 **侯以討焚之有罪其誰不服而必區區用譎豈知德** 勝所失亦已多矣使文公明大義以責楚之不共會 的侯任用中不害抑亦殘忍矯偽人也即其藏敝袴 1. 上了日知首就

晏平仲周及三族人服其彰君賜陳氏以家量皆而以 哉的侯與申不害同其心術故忍偽乖張至於此而後 與陳氏賢好各異非公與私之異趣乎 世傳為美談至以不借賞目之抑亦愚矣 之言報有功也的候欲以散修待有功其視功臣何輕敏定四庫全書 ■ 因爛羊頭大將軍告敕總易一醉叔世風頹爵位失敘 漢法陵遅狗尾致前唐綱不振墨勒肆行至於關內侯 公量收晏子識其為奪齊國夫同一施恵於人而晏子

豈惟縉紳之羞亦云國家之憂也宋太祖定法以文武 常然官考滿即遷非循名責實之道罷之又任子之法 受代京朝官引對磨勘始復序進之制又誕聖節及三 臺省六品諸司五品登朝常歷兩任者然後得請所以 策乃復定磨勘任子法兩地臣僚非有數德善狀不得 雖君思之逮亦非所以慎名器也仁宗用范仲淹富弱 年南郊皆聽奏一人特恩不預馬由是奏薦之恩沒廣 示名器不輕假人也淳化中置審官院考課中外職事

111日知會統

欽 者而百方以出之雖仁宗之賢亦不免馬向使磨勘任 古朝官須三年無私罪有监司及清皇官五人為 器由是而重而范富之外補亦聲於此矣小人不顧 節奏陰恩而任子之恩亦殺朝廷之綱紀由是而立 方遷磨勘之法於舊為容馬裁損奏補入仕之路罪 時進秩京朝官磨勘年限內有無勞績及舉者數 定四庫全書 因奏陰之殺而姻戚不得以叙官于是惡其與是議 而惟已之圖如此哉恐磨勘之嚴而僥倖不得以縣 名

觀之向之所謂清者有利心馬却利以釣名與攫利 志馬可數也夫 子之法由是而定則可以傳之後世而無弊宋制多因 漢武帝時財窮民因盗賊蜂起一二言利之臣更欲賦 别而斥之也殷浩誠士林之蠹哉 然搜利者人軟輕之而釣名者非具卓識之名子不能 段治累解後辟有似乎清然自其末年達桓温書一事 循范富二公不懼衆人之議毅然行之卒亦不得遂其

尺已日奉在 一日知會說

警無人惟在上之總用與否耳然干秋之為富民 侯益 見奉臣乃言曰朕即位以来所為狂悖宜悉罷之干私 是與利之軍南去趙過之傷一時並進以是知天下未 祖之神而啟上悟以是時上猶好神仙耳及帝封禪後 由是重之益千秋明上頗知太子無他意也其言借高 亦有說先是干秋為高廟寢郎上急變於戾太子竟上 何上意邀恩寵耳自武帝悔悟用田干秋為富民侯由 民三十以助遣用豈不知民之疲而茫然為之哉無亦 歌足日車全書 四知管机 臺悔過之後迄於的帝在位之年一日未嘗離宰相位 東漢黨鍾之禍此天亡漢而善人君子之厄運也然子 輔主徳一愛至道其所施為必有可觀者語云明君良 王佐才得武帝英明之君迎其悔過之機殫厥忠悃以 而所設施究無可稱則干秋之本末可知矣使干秋有 也由是觀之干秋豈亦出於蘇張說遇之術與不然輪 遂追罷遣方士之論則度上意之厭神仙而首變其說 相須殷而相得彰吾於武帝末年益惜其無良臣云

言高罪也位甲者之所言語非忠言然在聖明固不待 賢之所為過甚而未審乎出處之宜也孟子曰位早 而 趾之征由亦自速其死也夫死而有盆於國家死亦何 皎皎者易汙諸賢相與標榜不為括囊之無咎而為肚 甲位之言而季世又孰用其言者言且足以買罪而諸 人蟠據於上而遽欲忠直之得信難矣且燒燒者易缺 以為時賢亦不能無過者益忠直之言小人之警也小 所可惜者死之無益而又使國家有害賢之名是語

艾之亡王濟之編君子有談馬李憩能於破茶之日以 孫盛書枋頭一事豈尚計一巳之聲名祭利者乎計聲 **讌抑自處且有以嬌蔡人之頑悍示王朝之禮秩不誠** 鍾鄧爭人蜀之功濬渾競平吳之績鍾渾不足論而鄧 以言語氣節相鼓者必其涵養有未至窮理有未精也歟 子曰亦吾輩有以取之則知大賢處世不為太髙之行凡 好情厲氣又從而甚之何以免哉昔王安石之禍程 日知替託

敵王所愾以全臣節吾謂長沙之績可以與管葛比肩 王藻謝安非其倫矣而左右觀望心懷不平必待温 陶 董孤所以重於晉也其心以為記載在一時而是非 侃才望素隆使討蘇峻之役如故焚拯溺刻不容緩 强禦以成信史不足多哉 祭利者必不至以死生易之此太史所以重於齊而 使亂臣賊子不得逃其誅於干載之下雖其身之 流離至死而不顧乃盛於清談盛行之時而獨能不 昭

定四庫全書

理平寧之主哉 不予太武亦知其賢信任有加豈非聽言納諫惟期 重譴弱乃權國事之輕重非禮者雖上所命直違之而 從禽也夫上有所好在下者惟恐奉行不適上意以發 重軍國而輕遊政也不發牛車運麋康則勤民事而緩 古獨佐太武常稱之日社稷臣跡其以弱馬給羅騎則 哉豈其時忘運覺之志飲 反覆開陳而後洪在你固所以疾庾亮也其如朝廷何

北魏房景伯之母因都民有列其子不孝者使其子立 傷天倫者矣今州有一人馬列其子之不孝者在母命 堂下而召其母對食命景伯供食几二十餘日其子叩 州之民奉化於孝弟且無至景伯之堂而母子相陳以 教之與善以勘之罰惡以懲之與孝舉弟敬老慈幼則 使景伯知教化之原在於孝弟而躬親以率之學校以 以為景伯固一州之長也州之民不知其幾百干萬也 流血母亦涕泣乞還胡氏以為在母知教化之原吾

是者在母又将命景伯供食與又将二十餘日與是舍 景伯供食以愧之且至二十餘日之久設州民復有 然非平日有以與其天良使民皆知孝弟之在已確 州之政而惟供食以示民之是務将不勝其敞且勞 不變哉故就一事論崔母知教化之權就州長 能提綱而挈領則順者不可勝數也孝弟誠教化 教化之原夫寧若是夫所謂原者若網之網裘之領 不可移肫然而不能已亦何能移風易俗胥天

火

己日車全書一一日知會就

范霄數進忠言指斥姦黨素為孝武所親徒以疾王 伯實未盡教化之道也 國

實卒被踏出為外都此可見正人難近小人易惑雖素 無辭以與矣語日善人天地之紀也其言豈欺我哉 徐邈等國寶之亂未必至此極而王恭輩晉防之甲 信任之人而一入讒說點之無疑也使孝武不出記

牛李爭納維州司馬公以為德裕所言者利也僧孺

言者義也維州本唐地有故有之地此舉不沙於為利

悉但謀來歸維州不曰叛而曰来及贈以右衛將軍也 土字縛送悉但謀沮歸附之心僧孺以小信妨大計夫 裕之事即所以敗國家之事人臣不忠莫此為甚而司 當時牛李之黨已成矣僧孺徒欲以快私念不知敗德 受而且使歸以斃其命乎況僧孺非挟譬之言為循可 矣且天子以四海為家人之慕義而来者固可以拒之不 馬公猶以為義乎至胡氏則以為以維州歸吐蕃失祖宗 小信妨大計猶為僧孺曲言之綱目大書曰吐蕃 籽

就定日車至書 日知會就

非常人所及逮曹操擊烏桓欲封為侯又固拒不受吾 無能相約束結以威信止邊拿然其人之信義才智皆 不克而死時歸祭謁虞墓雖瓚之威有所弗顧後居徐 田畴被劉虞一日之知為虞達表長安及虞討公孫瓒 欲受皆出於至正僧孺不遇欲且德裕而為之辭耳 又特書於後無有貶辭則知悉但謀之来歸李德裕之 辨而明也 據綱目書法以斷司馬胡氏之論而牛李之是非已

於是建置天子在其掌握而威權出人主之右原其始由 唐自肅代德順禍亂相仍而官寺之用事日甚一日中 天子之寵信太甚考其終天子欲求其一笑而不得是豈 不已至於监軍監軍不已至於典禁典禁不已至於佐命 遂厥志抱恨以終嗚呼其亦可哀也矣 賢能者鬱於下而不伸若畴者僅一見用於劉虞而未 盆信畴為當時罕見之人惜乎漢政陵夷不能復振使

非勢之日流日下而禍已釀成雖有智者亦僅付之太息

日知會院

二十四

事者豈非天下所公與哉李抱真以數騎話王武俊營 唐室藩鎮之禍至德宗之世極矣當是時人各懷不臣 流涕而莫可如何然劉黃不顧已之死生存亡而忠言謹 之心天子威令不能下行即擁兵觀望未忍逆命者亦 雖 不多得況其志雪朝廷之耻而恭順恪謹相率以動王 論亹亹數干言使正士覽之而氣壯智者鑒之而遠害 開誠布公勘以忠義約為兄弟誓同減賊雖抱真逼於 時無救於禍敗而干載共仰其忠誠豈不偉哉 四月白星 卒得武俊之和而朱滔不久敢亡天下於是稍定非 領軍士以聽朝命亦惟子 真告其司馬則日今日之舉繫天下之安危若其不還 置已之死生安危於度外而惟以國家之事為重者 軍尚相疑貳使抱真微有顧望之志則事不許矣抱 亦春秋之古數且夫師克在和武後之軍於南宫也 能以誠悟武俊相率勤王此綱目所以褒美持筆書 ·屬將士以雪讐恥亦惟子是

忧未必無自全之策而於朱滔田忧諸鎮逆命之

钦定日車全書 日知會訊

之良臣使僖宗置之相位授以重任彼既能規畫於河 南豈不能措置於朝宁所以挽頹波而拯溺俗必更有 豈非知政本者乎全義雖不如古之名臣亦可謂是時 其衣食時人為之語曰張公不喜聲伎惟喜佳麥良繭 唐之季世民因極矣有張全義者獨能以爱民為先壽 國不可以為國矣吾故以是嘆德宗之閣也 者未闻有所褒嘉剔致賞亦有所不受詠亦有所不惟 真之功其誰之功哉乃逆命者未聞有所誅斥而效順 一蜀地而已 事實當時之要務與捫虱而談者何異若能推廣其意 苻坚得一王猛委任之專遂有天下之半先成所白七 而善行之天下不足平也而建不能宜乎所保有者止 然建既用其言而不録其人是能取賢而不能任賢也 王建起草城終能得蜀保有一邦其聽軍士王先成條 七事遂以取彭州非有經遠之慮取才之量不能

可觀者而終於是已馬君子以是重為唐惜之

R E D E & E B 日知管説

二六

士以順為正不知禮義廣耻之可尊而惟以博金紫 取 上之所司可以奔走牢籠天下天下士惟吾命之是 位為事夫然故在上者益不知士之可貴而謂爵禄 以非人爵所能崇稱之使君不敢目士為惟吾所奔 修天爵而不要人爵可贵在已而不在人於是魏 天爵自高固非人爵之所能祭也益自伏軾結 而上日尊士日賤非上之縣亦下之自賤使之也 聰仕北魏為侍御史每還必讓讓必固魏主後之日

代以下縣路之俗顧不偉欺顧不偉欺 懷傷者叩懷恩馬首乞行開自效懷恩恐賊平寵衰奏 得之患失之苟患失之無所不至矣夷考干古國家之 孔子曰部夫可與事君也與哉其未得之也患得之既 留為等以為黨援朝廷亦厭兵遂以為節度使河北三 德元年河北諸州已降有史朝義降將薛萬田承嗣李 與未始不因得賢者而其衰未始不由用鄙夫代宗廣 走牢籠者薛聰也自成其貴而并有以成君之美視三

1 日知智訊

患得患失之人而弗知自貼其禍其後懷思亦終至 鎮之横自此始是後治兵完城自署将吏貢賦不通婚 之英明而卒莫之救懷恩鄙夫固不足論獨恨代宗用 嗚呼懷恩之恐賊平寵衰亦細事耳由此一念代宗不 叛使當時用郭子儀李光獨為將則消患於未然定亂 悟因循苟且授人太阿其後未嘗無憲宗之剛斷武宗 以拒命流至於李茂貞韓建朱全忠之亂而唐遂以亡 相接父死子嗣兄終弟及朝廷有弗從則三鎮連横

新定四庫全書

其心 正百官以正萬民未有失其本而能治其末者也未有 之鄙暗董子曰人居正心以正朝廷正朝廷以正百官 董兵由魚朝恩程元振居中用事實阻撓之是以知 日知曾說 於未前又安有藩鎮逆命之事乎然是時郭李之不得 天下之事有敗於怠忽而成於乾惕者亦有得於雍容 居欲去外之鄙夫必先去其内之鄙夫又當先去其 其內而能正其外者也故人君治天下有道曰先

歃 或繼火乃罷然所理者何亂所服者何鎮是拘謹之無 若無事時豈非难容有度而不過為拘謹者哉夫人之 謹不可也唐李德裕之相武宗史稱其休沐如令沛 有拯亂之志而無有禁暴之才故其時內侍啟迹藩鎮 外不能保其必中元和以後之相竭愛從事不暇休沐 定四庫全書 失於拘謹者益雍容可也怠忽不可也乾惕可也拘 而才力之不足有為也德裕遇武宗君臣相資卓然 事亦限於才力之大小譬射之能中百岁者百少

應至令長餘得今終幸矣其後皆如其言行儉之所 等雖有文華而浮躁淺露非能享爵禄者楊子科 玉之在蹼追師知之珠之在蟒鮫人知之惟人之品術 屏息至其休沐如令在德裕則可在他人則不可益德 知四子者亦豈外夫揆之以理哉當其時四子之所 裕之才力比他相為有餘耳 始終之殊致雖古帝猶難知之然知人之道亦驗 理而已矣唐王楊盧駱一時稱為能文裴行儉以勃

山日 白 白 日知會訊

其能以理論人者必其自足於理者也 人何必以為難哉夫神奇不測非 雄觀望之時首發大難逞其克頑椒殿血流唐祚移矣 割據無并犯令陵政何弱乘危以成逆志登受禪之綱不振教息風頹事務姑息藩鎮强横浸淫至於五 已與夫行倫之所以觀人必不僅如史之所紀學者 以理揆之必以行儉之知人為神奇不測如是則 黼展之座者皆藩鎮也以故朱温東旄宣武當屋 難而平易合道之

定於一豈勢力所及哉有道故也推其致亂之由皆藩 大之志奮誅戮之威使郭威得以藉口一舉而漢祚 才能不過中人又朱氏稔惡之後梁之宗社一旦歸唐 繼者又可指數也五代之亂可謂至極至宋而天下始 亡背約取危晉亦頓滅智遠之得國頗正而承祐無遠 宜矣莊宗鋭始怠終從珂移鎮召禍敬塘一入唐遂 ここり ここに 日知答説 移於周葢五十餘年之間凡五易國而其間以别姓 而亞子與晉陽之甲弘繼事之志属均王膏梁之子

鎮跋扈尾大不掉太祖以杯酒片言解數百年不可解 士大夫治天下非與百姓治天下是豈足以折安石 以口角争之且争之而不能窮其詞如文彦博云惟與 王安石免役之令不為無補既無追呼刑責之苦且鮮 銅習而天下之治平亦不盡係乎此功德不足以 民區區智取術取豈能久遠乎故運世必有其本 翰力作之勞而按户科配所費實解當時士大夫

塚乎彦博之說似本於孟子巨室之所慕一國慕之之

適 古人云天下治亂關宰相人主得失係經庭張居正輔 意不知此正所以與百姓治天下也即當時免役豈能 政當顯宗冲齡屢進講經史外則總攬朝政明智善斷 共治尤理不足以伸其詞是皆安石逆料必有是論 無弊與在務多級而取贏也又在今雖免役而異日 可更張以失人心至以為與士大夫共治非與百姓 合其意者也豈足以移安石之志哉 如故仍復受役也彦博不知議及此但云祖宗法制

欽定四庫全書 萬及居正沒而內則奢侈外則盜賊民不即生益居正 廢制守喪心其留任何不顧美理至此極也雖然顯宗權也屬高拱以元老而被斥馮保以奸官而交通至於 有居正而朝廷清明天下無事太僕寺積金至四百 大過人之才不能獨其剛愎自用嫉人長該已短懼 道益居正以一人而無宰相經歷之任皆有成效非 不端而才有餘公不足而智有餘方之房魏韓范非 時治雖未純亦可謂之小康君雖未指亦可謂之守

尺已日日 在上了一日知春記 大壞人心不至大散狄仁傑又培植之而張東之遂因 人所難為其度量過人遠矣卒之保護善類紀綱不至 徐有功當武氏肆毒於上酷吏恣虐於下守死善道為 褐自已召顯宗亦刻薄寡思哉 吾將謂之才臣馬乃身沒未幾家産籍沒子嗣遠窜雖 之傳而乗時建立過之謂之忠臣不可謂之奸臣不可 其等夷方之李林甫蔡京大相逕庭大約張說吕夷簡 以復唐祚人但知有功為周行寬政而不知有功為唐

政無繁前民用以寧然文帝之德雖優於太宗而時少 三代以下稱賢君者漢有文帝唐有太宗皆恭儉恵爱 之苦心也唐人潘好禮著論以為勝於張釋之特為其 持刑一節耳至有功之心事尚未深切言之歌

致之之故哉夷考其時上當與犀臣語及教化封德奏 相赞一庭貞觀之治尤稱盛馬至四年豊穣極矣豈無 名臣有賈誼而不能盡其用唐之房杜王魏同心一德

勘帝以刑罰絕天下魏徵勘行仁義上卒從徵言偃武

安常治而不危也飲 修文與民休息至於四年天下遂大於流散者歸鄉里 負於已外負於人者則不得復謂之學然已不負人强 干古之學無二端也內不欺已外不欺人者謂之學內 宗獨從魏後而遠封德委其修已固已審矣既臻其感 不忘規諫之人二喜一懼之論尤致意馬此其所以保 德桑見之夫人君莫不說順已之人而惡逆耳之言太 斗米三錢夜户不閉上歸功於魏俄而曰惜乎不使封

· 定日事 至書 一日知會說

者哉寅益有版於周衰道廢權謀名法清淨之術凡自 與之學為誠珠四之徒夫世有珠四之學而可以偽為 言德宗乃悟胡氏寅以忠恕知命許之當矣而又謂敬 浮菜馬故以勢為之準的也夫德宗之世聲小用事正 外於冰四之學者皆能立功效於一時而後之學者多一 德宗時四十餘州大水陸對請賑德宗謂准西貢城既 恕者猶能勉馬至寧人負已則非知命不惑者不能唐 缺不必遣脈而勢以奉楊松機寧人負我無我負人為

裴度是也黄裳遇君於初而抱才以沒志未大施裴度 尺八月百八五日 日知育就 克平准蔡卓子尚矣獨裴垍李絳出處略同然絳以競 罷垍以病終明括保身絳猶遜於拍乎夷考唐史所載 唐憲宗之始即位也稱名相者四人杜黃裳裴均李絲

臣致身其尚以對為法哉

為學實無愧於天無作於人而非曲學取媚之可比人

獨勢以忠誠明辨開悟人主而所言亦問被施行是其

人不容德宗復以猜忌御下欲人臣之各盡其情難矣

清明而經綸中理故其言曰我心如稱不能為人作輕 忠二字而已公故無我忠故無私無我無私然後志氣 諸葛孔明為三代以下第一流人物約其生平亦曰公 臣自善之一端而賞諫官之言事則是以言事君絕您 曲從時偷容取媚者所可比夫不敢以私害公不過人 時事者則垍之所以保身實出於君子之明哲而非委 垣之言曰垍不敢以私害公又稱其獨賞諫官之能言 終格其非心得古大臣之遺則矣

習時務她宋每坐二人以質所疑且日欲知古問高 肩隨於伊日也數 下未見其倫比而沉區區一隅之人士乎乃數戒摩 知今問齊居姚宋能知二人之賢亦已難矣又況能 姚崇宋璟為相有高仲舒者博通典籍有齊幹者 不逐於物者也尤不可及者孔明之器識規模三代 所謂止水無心而平量明鏡無心而照形以物為 攻其過失其虚以受人而不敢自是如此此其所

飲定四庫全書 並不見已之措天下於素山之安若魏公者亦可謂信 動就節緊者也故不動聲色而措天下於泰山之安且 白 遇非常之事而處之一如其常苟不能忘其數猷節緊 各當其材者亦不過因是以剔致耳 人臣外而忘家内而忘身并忘已之敷猷節概然後能 知二人之各有所長推斯道也雖虞廷官人工虞水火 知猶未明也韓魏公之為臣實能忘身忘家并忘其 猶視君與已為二人而有所奉制何則信道猶未為


位亦可以信其能措天下於泰山之安如顏子之軍歌 陋巷不改其樂是也而其氣 泉規模又榜乎其深遠矣

道為馬自知明矣信道為而自知明

則雖無魏公之時

灾

足日華全書 一



者非致知之學乎所以致精致一以守其中者 所為學也觀克舜禹相傳所以審辨於危微之介 為反之益聖學之難純如此然非謂性之者遂 與言學髙宗成王尤勉勉馬湯武上聖而孟子 至而意能誠者也見於經傳者至湯武君臣始 而能修齊治平一以貫之者也未有知之不極 從入以致知為始事而誠意次之益未有意不誠 孔子大學一書用傅古聖王明德新民之道其 相

聖心實能以致知誠意之學體驗於 皇上鎔經液史所以究與衰治亂之根源察邪正是 命序樂善堂文鈔其義益之深 皇上講誦於今五年矣曩者當 又時就所言反求諸身私 之幽渺者皆不襲前賢之緒論而必求自得於 共識 誠意之學乎臣 而且竊觀我 即用春枝 **関風格之髙古有目** 承 侍 者

命 臣等各級跋語而 御製序文謂録此以驗諸行事伏念我 當躬而重為四海生民幸也 極以来動應民志質政實心慎乎天下用能以數月 幾務餘暇復自擇論辨之文前集所未載者為日 會說 外近者 之中俾老幼賢愚皆忻忻然自得於遐荒萬里之

皇上今兹治教之日與乃曩者典學致知之明效也而 聖心之誠一三代聖王之治將復見於今矣百少備 聖學之淵粹而加以 聖性之高明 宗成王以湯武為必可學故能為高宗成王以 衛未服殚心載籍謹就所風聞於經書者達其思 大殿也夫湯武以堯舜為必可學故能為湯武高 猶不忘素學時以自體察又設誠於内而致行之之 宿

龍命為愧而已 乾隆元年秋七月少保大學士臣 悃言之不文而以承 郑丽素故跋

口宗 憲皇帝之教自問寢視膳而外耳目心志一用 皇上狗齊敦敏凤承 <u>ا</u> 學而他無間馬故於五經四子之書早洞見其 者其根源可尋釋而見也漢唐以後英明仁厚 者不能深而致於行者不能為耳我 代之隆益由學馬而未探其根源故所以審其 居非無性資之高求治之切者而終無以濟於 在昔三代聖王之治皆由學而成凡散見於詩 ALIS I 知

九帝恩命簡侍講讀十有餘年實親見馬曩者彙集衆體 昌得心應手俄頃立就而迥出於前賢思議之表 臣廷玉奉 是以慎取百家之言其出入離合淺深之數無 循是以觀諸史其治亂安危之幾無微不察也 而 源而称考漢唐宋元諸儒之義疏以折衷於至當 無匿情用是發為文章言高而音遠理達而 燭也循是以懸衙人物 推極事理皆灼 知獨 隠 紙 見 循

定匹

库全 書

命臣跋之伏見 命而為之序近復别擇論辯之文二百六十條為日 皇上繼序以来凡見諸政教者一準於天理而應乎人 たこう **薈説仍** 心之不言而同然是以數月之中近自邦畿達 為樂善堂文鈔既承 被其體益我 山陬海隅莫不忻忻然若時雨之沃其心春陽 Land of the land 站 大口

釦 皇上好古敏求日有 日 疺 月之光挂 乾隆元年秋七月少保大學士臣 之宵衣旰食以行所 為天下臣民废者彌 於三代豈惟遠過漢 是以往法天行健恒久不已則徳化所成直比 名簡末而與有祭施也 孜孜以致其知者既深 厚且遠馬微特依 唐而已哉臣廷玉讀是 知者為實充周時措咸宜 张廷玉恭 且固故今 跋 編 由 隆 而

世宗憲皇帝庭訓冲齡懋學於經史子集靡不然貫用是 神 皇上以客聖之姿夙禀 欴 而敬為之序矣 製樂善堂文鈔臣 定四車全書 極以来本所學以出治仁育義正粹然純王之首 發為文章深醇和懿玉振而全聲 明 王兢兢業業無敢怠荒胥此志也我 開法天之學與時偕行而惟日不足自古聖帝 既 承 跂 而

命 皇上之學基之以望道未見之心勵之以自强不息之 萬幾之服不較編摩復取曩 所論述釐為日知管說四 臣跋其後臣惟在昔夏先后思日孜孜亦越成湯日 卷仍 力要之以純亦不已之誠故雖 夏之武者盖 以剛健篤實日新其徳而茲編命名獨有取於子 新又新速周成王日就月將學有緝照于光明 皆

皇上之心法治法與先聖同於者即於是乎在豈但文 欽 聖性冲挹惟見義理之無窮則 定四庫全書 憲天故陽暉所照萬里同唇者清明在躬萬物皆 章之威度越百王已哉 臣載稽傳記惟日周天惟聖 望岩德業之的著福 睹之象也歲度雖次與天相及者體乾行健乗 御天之象也其在天保之章曰如日之升盖人 禄之縣長皆取義馬臣以建 臣

聖學高深已非游夏所能替而

聖學於萬一敬述其管蠡窥測所及以竊附於天保 乾隆元年秋七月大學士臣朱軾謹跋 人之志馬 暮之年幸 風見知之列 材識為下無能發明

詩

宸章炳與動合典誤兹萃輯歷年論誤區為四卷名 皇上聰明天直唇哲性成格古典學孳孳不怠凡天 御製序文弁首宣示近臣臣無得以與觀乃拜手 之與越聖賢之述作無不 精一執中書開道統其時在廷諸臣張工照 聽言曰道術之與治術合而不分者也自唐虞 Ð 知奮說 極其源流古趣 績 稆 首 曰 稱

欽 皇上機徳 定四 為教詩書所載可考而 桁 极威馬禹湯文武由之以 簡 雖 誼 有 岐 辟 册 BP 刻意治平然 措 做經史之要助組釋發明 Ð 而為二尚 新 注 可 播諸 設施非偏而不舉 維熙時敢實有以見政事之綱 治者: 施 無格 行 每致 致 知 惜馬 為治 誠 也)漢唐以後 正之學裕諸 则 我 沐泗 駁而不純道術 洞中家會故筆 鄒 非 峄單之以 平日 無 紦 英 ن 故 諸 性 治 启


聖製之高深惟有恭敬奉持深思熟復庶幾稍窺一 鴖 御以来仁政仁聞光的遠通過化存神之感良由極 能對助萬一仰 乾隆元年秋七月都察院左都御史煎翰林院掌 院學士臣福敏恭跋 不至老而無聞 臣不勝深幸且為天下蔡生幸 深研幾蘊於素者厚也臣侍從有年學術荒陋

一たモリ

P ~

15

跃



世宗憲皇帝庭訓遜敏敬修熟復六經四子之書旁及儒 皇上繼承大統建極級武於用人行政阜民敦俗之方 馬之思日孜孜湯之聖敬日齊周成之日就月 犁然各當盖由 夙夢 悉皆選接心源恢張治道而先天後天與時俗 不息而成歲功帝王法之精一執中機昭厥德如 以剔致久道化成之威我 臣聞帝王之學必求端於天天以剛健中正運行 斻 行 將

金欽 皇上引筆洋洋干言立就而論 樂善堂文鈔廣大精微隱括道統嗣後詩賦古文日 定四庫全書 内 廷敬讀 良積臣基 帝明王若合符契臣自辛亥歲侍直 先之緒言諸史之義法靡不深探力索洞其根 舉平日所蘊蓄見諸治教體立用行與在昔里 民生以暨衙論古人一經 親 見 說尤多自身心性命 研剖精義卓立星辰 國 源 加

皇上徇齊典學解熙光明精神貫注於億萬斯年而 幾餘服親揀擇若干條定為日知替託夫日君祭 景星慶雲先觀為快今復 易口日進无疆 鹿而江河行兹以 **苡之凡是書所載包含萬有囊括古今洵典談** 乾夕陽法天行健迪知而允蹈馬心源治道一以 獲官禮之青華也且 詩日如日之升 就日近光早得雪木

飲定四庫全書 威德大業富有日新而 臣 古附名卷末盆欽 賜讀成書承 乾隆元年秋七月吏部左侍郎無翰林院掌院錫極之中誠屬遭進之厚幸云 士臣邵基恭践 材質萬陋仰荷陶成於敷言 學


皇上御 之綱 工熙績 禮導和敬以化成天下為之在優游而循其序 言 政事則自體元長人探治本以及治具於 製日知管說一編尋釋反覆始複稍窺端 教養兵刑之屬一一提其領要而歸於謹 舉心法 穞 維也凡典誤中 諸 在昔中天之世書垂典誤之文其間執 務何一不從執中 治法一以貫之誠聖學之極極王 跋 所 紀欽天授時知人安民 流出者乎臣 <u>+</u> 恭 緒 任 誧 持 找 道 퍈 中 徳


欽 定四庫全書 用一原 泊文筒而義 其 經學尤為剖晰精 之在就業而要諸人至哉言乎蔑有加矣繼 其解善會古人之意而不襲其跡期 初者在明善而固執主敬以 溯 而動之餘五行禀為五事五性達於五倫善 自於穆流行烟 而不雜措之治理溥編而宜民披撥浮華 微開示明切獨得聖賢之心而 該言近而指逐也至於闡 縕 化 醇之始暨人生而靜 存誠天人一理 於體之身 論 猤 腊 不


?) 由 思見始情激而懷長何識髙而度遠布之邦國天 除碎崇敦本務實之圖破迁庸膚末之見悼仁賢 下有不奉為千秋之實鑑振古之鴻篇者乎抑 之不究厥用惜明良之難以適逢望古慨然及身 問美任賢從諫懲用任剥民褒正直忠厚斥於 風俗悉於經術之目明決之矣若夫上下干餘年 以見本根陶鑄百家以歸大雅從兹一道德而 Ď 2. 4.5 跋

皇上天直聰明遜志懋學以至徳而凝至道正值我 皇心盖於執中之指不啻神相 皇言而仰窥 國家重熙累洽之期行見海隅日出盡瞬於 風 人倫之得失莫非本一中為體驗而灼見源流操 政事內而縊之性情精而剖經義之異同大而變 一中為權衡而不爽豪疑者良由我 動時雅有不覺太和元氣洋溢於 授面相 **档矣外而發之**

定 厚 全 書







磨绿監生臣倪時慶校對官編修臣裴 謙覆校官檢討臣季學錦